

**Razvojna banka Federacije
Bosne i Hercegovine
v.d. Predsjednik Uprave**

Broj: 4984-III/22
Sarajevo, 18.04.2022. godine

Na osnovu člana 64., 8. i 70. Zakona o javnim nabavkama ("Službeni glasnik BiH", br. 39/14), člana 10. stav (1) Pravilnika o postupku dodjele ugovora o uslugama iz Aneksa II dio B Zakona o javnim nabavkama (Službeni glasnik BiH broj 66/16), preporuke Komisije za nabavke iz Zapisnika o pregledu i ocjeni ponuda broj 4905-XI/22 od 14.04.2022. godine i člana 20. Statuta Razvojne banke Federacije Bosne i Hercegovine, u postupku javne nabavke pravnih-advokatskih usluga za potrebe razvojne banke Federacije BiH na period od jedne godine, v.d.predsjeđnica Uprave Banke donosi

ODLUKU

o izboru kvalifikovanih ponuđača za nabavku pravnih-advokatskih usluga za potrebe Razvojne banke Federacije BiH na period od jedne godine

I

Za kvalifikovane ponuđače u postupku javne nabavke pravnih-advokatskih usluga za potrebe Razvojne banke Federacije BiH, biraju se sljedeći ponuđači:

- Advokat Sead Temim, Skenderija 50, Sarajevo;
- Advokat Armela Ramić, Maršala Tita 28, Sarajevo;
- Advokatski ured Sanel Nezirić, La Benevolencija br. 2, Sarajevo;
- Advokat Salibegović Nedim, Džemala Bijedića 6/1, Tuzla;
- Advokat Danijela Saller-Osenk, Danijela Ozme 13, Sarajevo;
- Zajednička advokatska kancelarija Damir Katica i Amin Hasović, Jadranska bb, Sarajevo;
- Advokatsko društvo „IBRAHIMOVIĆ & CO“, Trg mladih 7d, Brčko Distrikt;
- Advokatsko društvo Ademović, Nožica i partneri, Maršala Tita 50/IV, Sarajevo;
- Advokat Mirza Aganović, Niže banje 2, Sarajevo.

II

Ponuđači iz tačke I. ove odluke dostavili su prihvatljive ponude po Pozivu za dostavu ponuda za nabavku pravnih-advokatskih usluga, objavljenom na internetskoj stranici Razvojne banke Federacije BiH dana 25.03.2022.godine, koje u cijelosti zadovoljavaju zadane kvalifikacijske uslove za učešće u predmetnom postupku nabavke.

III

Razvojna banka Federacije BiH će, kada se ukaže potreba za nabavkom usluga, za svaku uslugu u skladu sa pojedinačnim potrebama zaključivati ugovore za konkretnu uslugu prema potrebama za zastupanjem, shodno dinamici prispjeća predmeta.

Izbor će se zasnivati na specijalnosti za konkretnu oblast za koju je potrebna pravna usluga uvažavajući specifičnost, kompleksnost i pravnu oblast u koju je svrstana usluga.

IV

U skladu sa članom 45. stav (1) tačka c) i d) Zakona o javnim nabavkama i tačkom 6. podtačkom 6.1. Poziva za dostavu ponuda za nabavku pravnih-advokatskih usluga za potrebe Razvojne banke Federacije BiH na period od jedne godine, u svrhu dokazivanja lične sposobnosti kvalifikovani ponuđači, koji nisu dostavili dokaze u svojim ponudama, obavezni su dostaviti dokaze/Uvjerenja o ispunjavanju uslova u roku do 5 (pet) dana od dana prijema odluke o izboru kvalifikovanih ponuđača, u originalu ili kopiji ovjerenoj od strane nadležne institucije.

V

Za realizaciju ove Odluke zadužuju se Sektor za podršku poslovanju.

VI

Ova odluka stupa na snagu danom donošenja i bit će objavljena na internetskoj stranici Razvojne banke Federacije BiH, u skladu sa članom 70. Zakona o javnim nabavkama, istovremeno sa upućivanjem iste ponuđačima koji su učestvovali u predmetnom postupku javne nabavke.

OBRAZLOŽENJE

U skladu sa odredbama Zakona o javnim nabavkama (Službeni glasnik BiH br. 39/14), u daljem tekstu Zakon o javnim nabavkama, dana 25.03.2022.godine na internetskoj stranici Razvojne banke Federacije BiH (www.rfbih.ba) objavljen je Poziv za dostavu ponuda za nabavku pravnih-advokatskih usluga za potrebe Razvojne banke Federacije BiH na period od jedne godine. Procijenjena vrijednost nabavke iznosi 39.000,00 KM bez poreza na dodanu vrijednost (PDV).

Kako su prema odredbama člana 8. Zakona o javnim nabavkama ove usluge svrstane u kategoriju usluga na koje se primjenjuje poseban režim javne nabavke, pri provođenju nabavke odabran je postupak javne nabavke usluga u skladu sa Pravilnikom o postupku dodjele ugovora o uslugama iz Aneksa II.dio B zakona o javnim nabavkama.

Komisija za javne nabavke za predmetni postupak utvrdila je da je do krajnjeg roka za dostavljanje ponuda blagovremeno zaprimljeno 11 (jedanaest) ponuda, kako slijedi:

1.	Advokat Sead Temim, Skenderija 50, Sarajevo	01.04.2022. godine u 09:50 h
2.	Babić&Co, d.o.o. Zenica, Masarykova 17, Zenica	06.04.2022. godine u 10:00 h
3.	Advokat Armela Ramić, Maršala Tita 28, Sarajevo	07.04.2022. godine u 9:45 h
4.	Advokatski ured Sanel Nezirić, La Benevolencija br. 2, Sarajevo	11.04.2022. godine u 8:42 h
5.	Advokat Salibegović Nedim, Džemala Bijedića 6/1, Tuzla	11.04.2022. godine u 11:00 h
6.	Advokat Danijela Saller-Osenk, Danijela Ozme 13, Sarajevo	12.04.2022. godine u 10:00 h
7.	Zajednička advokatska kancelarija, Damir Katica i Amin Hasović, Jadranska bb, Sarajevo	12.04.2022. godine u 10:15 h
8.	Advokatsko društvo GREDA d.o.o. Konjic, Kolonija 34, Konjic	13.04.2022. godine u 10:20 h
9.	Advokatsko društvo „IBRAHIMOVIĆ & CO“, Trg mladih 7d, Brčko distrikt	13.04.2022. godine u 10:35 h
10.	Advokatsko društvo Ademović, Nožica i partneri, Maršala Tita 50/IV, Sarajevo	13.04.2022. godine u 12:30 h
11.	Advokat Mirza Aganović, Niže banje 2, Sarajevo	13.04.2022. godine u 15:00 h

Nakon izvršenog pregleda svih dostavljenih ponuda, utvrđeno je **da ponude ponuđača Babić&Co d.o.o. Zenica i Advokatskog društva GREDA d.o.o. Konjic nisu prihvatljive iz sljedećih razloga:**

Članom 58. stav (2) Zakona o javnim nabavkama („Službeni glasnik BiH“, broj 39/14) propisano je da „ponuda mora biti čvrsto uvezana i sve stranice ponude numerisane (izuzev dokaza o garanciji iz stava (1) tačke b) ovog člana, te štampane literature, brošura kataloga, i sl).“

Članom 8. stavom (1) i (2) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) propisano je da se „ponuda izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. Ponuda se čvrsto uvezuje na način da se onemogućí naknadno vađenje ili umetanje listova.“

Tačkom 9. Poziva za dostavu ponuda definisano je da ponuda se izrađuje na način da čini cjelinu, te da se ponuda čvrsto uvezuje na način da onemogućí naknadno vađenje ili umetanje listova. Dalje je definisano da se stranice ponude označavaju brojem na način da je vidljiv redni broj stranice.

- *Ponuđač Babić&Co d.o.o. Zenica nije postupio na prethodno opisani način, odnosno nije dostavio čvrsto uvezanu ponudu u jednu cjelinu, niti je ponudu numerisao. Dostavljena ponuda nije uopšte uvezana, te u skladu sa članom 68. stav (4) tačka i) Zakona o javnim nabavkama Komisija za javne nabavke je odbacila ponudu jer ista nije potpuna i ne ispunjava zahtjeve iz Poziva za dostavu ponuda.*
- *Ponuđač Advokatsko društvo GREDA d.o.o. Konjic nije postupilo u skladu sa traženim zahtjevima, odnosno nije dostavio čvrsto uvezanu ponudu, koja onemogućava naknadno vađenje ili umetanje listova. Dokumentacija u ponudi je samo spojena običnom heftalicom koja ne predstavlja čvrsti uvez.*

Također, ponuđač Advokatsko društvo GREDA d.o.o. Konjic nije dostavio odgovarajući dokaz u skladu sa tačkom 6.2. Poziva za dostavu ponuda, prema kojem su ponuđači bili dužni dostaviti kao dokaz izvod iz sudskog registra ili potvrdu/imenik nadležne advokatske komore, iz kojeg je vidljivo da su registrovani za obavljanje djelatnosti koja je predmet nabavke. Ponuđač je dostavio Rješenje o registraciji od Općinskog suda u Mostaru, broj Tt-O-486/18 od 28.06.2018. godine, kojim je upisano osnivanje društva sa ograničenom odgovornošću u sudski registar suda.

U postupku ocjene provedenog postupka, ocijenjeno je da je izbor kvalifikovanih ponuđača izvršen u skladu sa Zakonom o javnim nabavkama, podzakonskim aktima i Pozivom za dostavljanje ponude.

Na osnovu svega naprijed navedenog odlučeno je kao u dispozitivu.

Pouka o pravnom lijeku:

Protiv ove odluke može se izjaviti Žalba Uredu za razmatranje žalbi – Filijala Mostar, putem ugovornog organa, u pisanoj formi, direktno ili preporučenom pošiljkom, u skladu sa odredbama članova 97., 99. i 101. Zakona o javnim nabavkama („Službeni glasnik BiH“, broj:39/14).



v.d. Predsjednica Uprave

Doc. dr. sci. Mersiha Slipičević, dipl. oec.

Dostaviti:

- Ponuđačima u postupku;